

傷寒標本心法類萃提要

是書舊題金·劉完素撰。傷寒標本心法類萃。上卷分別表裏。辨其緩急。下卷則載所用之方。其中傳染一項。稱雙解散。益元散。皆爲神方。二方既爲完素所製。不應自譽至此。考完素原病式序。稱集傷寒雜病脈證方論之文。目曰傷寒精要宣明論。今檢宣明論中。已有傷寒二卷。則完素治傷寒法。已見宣明論中。未必別爲著書。此書恐出於僞託。然流傳已久。姑存之以備參考。

傷寒標本心法類萃卷上

河間劉守真編集

新安吳勉學校正

傷風

傷風之証。頭疼項強。肢節煩疼。或目痛。肌熱乾嘔。鼻塞。手足溫。自汗出。惡風。其脉陽浮而緩。陰浮而弱。此爲邪在表。已上傷風之証。皆宜桂枝湯。第二次以解肌。傷寒汗出。怕風。而加項強痛者。桂枝葛根湯。第三。傷風及無汗者。雖已服桂枝湯。反煩不解。而無裏証者。先刺風池風府。却與桂枝葛根湯服之。不若通用。

雙解散五十一。免致有桂枝麻黃之悞。傷風自汗。白虎湯二十二。金匱方。太陽病無汗而渴者。不可與白虎湯。

傷寒

傷寒之證。頭項病疼。腰脊強。身體拘急。惡寒。不煩燥。無自汗。或致頭面日疼。肌熱鼻乾。或胸滿而喘。手足指末微厥。脈浮數而緊者。邪在表。以上傷寒之証。皆宜麻黃湯第一以發其汗。傷寒冒風。頭目痛。四肢拘倦。比金散四十六。不若通用天水散四十九。或雙解散之類五十一。甚佳。無使藥不中病而益加害也。○

白虎合涼膈散二十三乃調理傷寒之上藥。傷風甚妙。

中暑

中暑之証。身熱頭痛。背寒面垢。自汗煩燥。大渴口乾。倦怠而身不痛。或時惡寒。或畏日。氣脉虛而弱。無問表裏。通宜白虎。夏月感冒。發熱煩渴。五苓散二十四。桂枝甘露飲三十四。黃連香薷飲五十二。或雙解散。或裏熱甚。腹滿而脉沉。可下者。大承氣湯下之。或三一承氣湯尤妙。半表半裏者。小柴胡涼膈天水散。

中濕

中濕之證。一身盡疼。重者發黃。關節煩疼。發熱。鼻塞。時或腹滿脹。大便利。脉沉而緩。以上中濕之証。先用雙解散。微微汗之。次用五苓散。或淡滲散。桂苓甘露飲。曾用甘露飲不愈。却用黃連解毒則愈。問曰。若劑止土之甘。此屬土。故以火劑燥土。其病則愈。

風寒俱中

風寒俱中之証。頭痛項強。肢體疼。手足溫。爲中風。反無汗。惡寒。脉浮緊。爲傷寒也。或頭項疼。腰脊強。身體拘急。指末微厥。不自汗。爲傷寒。反煩燥而脉緩者。爲傷風也。風則傷衛。寒則傷榮。榮衛俱傷。則表裏熱甚。

者。通宜以大青湯。或雙解散最妙。

內外傷寒

始得脉便沉而裏病。表和者。內傷也。脉浮而表病。裏和者。外傷也。病在身體四肢。爲表病。病在胸腹之內。爲裏病。內傷通解散。外傷雙解散。內外一切所傷。通神散。然不若雙解散。以子和爲之。三法至神。

一切汗候

風寒暑濕。飢飽勞逸。憂愁思慮。恚恐悲怒。四時中外。諸邪所傷。但覺身熱。頭疼。拘攣強痛。無問自汗。無汗。增寒發熱。渴與不渴。微甚。傷寒疫癘。汗病兩感。風氣。

雜病。一切舊病發作。三日裏外。並宜雙解散。設若感之勢甚。本難解者。常服雙解散。三兩日間。亦漸可減。並無所損。或裏熱極甚。腹滿實痛。煩渴譫妄。須可下者。三乙承氣湯爲妙。或下後未愈。或下証未全。或大汗前後逆氣。或汗後餘熱不解。或遺熱復勞。或染他人病氣。汗毒傳染。或中瘴氣。羊氣。牛氣。一切穢毒。并漆毒。酒毒。食毒。一切藥毒。及墜墮打撲傷損疼痛。或久患風眩頭疼。中風偏枯。破傷風。洗頭風。風癰病。或婦人產後諸疾。小兒驚風積熱。瘡瘍疹痘。無問日數。但以雙解散服之。周身中外氣血宣通。病皆除愈。然

雙解乃通仙之藥。但除孕婦及產後。月經過多。并泄瀉者。勿與服之。惟年老人最宜。自有造化於中矣。

傳染

凡傷寒疫癘之病。何以別之。蓋脉不浮者傳染也。設若以熱藥解表。不惟不解。其病反甚而危殆矣。其治之法。自汗宜以蒼朮白虎湯。無汗宜滑石涼膈散。散熱而愈。其不解者通其表裏。微甚隨証治之。而與傷寒之法皆無異也。雙解散益元散皆爲神方。

表証

凡表証脉浮。身體肢節疼痛。惡風惡寒者。可汗之。不

可下也。傷寒無汗麻黃湯。傷風自汗桂枝湯。一法不問風寒。通用雙解散。或天水散。最妙。

裏証

凡裏証。脉實而不浮。不惡寒及惡風。身不疼。自汗。譫語。不大便。或咽乾。腹滿者。可下之。不可汗也。以上之証。宜小承氣湯。大承氣湯。調胃承氣湯。選而用之。一法。不問風寒暑濕。或表裏兩証俱不見。但無表証而有可下者。通用三乙承氣湯下之。此藥發峻効。使無表熱入裏。而無結胸及痞之衆疾也。或熱結極深。而諸藥數下。畢竟不能利。不救成殍者。大承氣湯加甘

逐一錢匕下之。病在裏。脉沉細者。無問風寒暑濕。或表裏証俱不見。或內外諸邪所傷。有汗無汗。心腹痛滿。譫妄煩燥。畜熱內盛。但是脉沉者。宜三乙承氣湯合解毒湯下之。解毒調胃承氣湯能瀉大熱。

表裏証

表裏俱見之証。或半表。或半在裏之証者。謂前表裏二証。病在相參。有欲汗之而有裏病。欲下之而表病未解。汗之不可。吐之又不可。法當和解。傷風白虎湯。傷寒中風或兩感。小柴胡湯。一法。不問風寒暑濕。用涼膈散天水散二藥合一服。用煎解之。或表熱多。裏

熱少。天水一。涼膈半。或裏熱多。表熱少。涼膈。天水半。表熱極。裏有微熱。身疼頭痛。或眩或嘔。不可汗吐下者。天水涼膈散合和解之。解之又不能退其熱者。用黃連解毒湯。表裏之熱俱微者。五苓散。表裏之熱俱盛者。大柴胡湯微下之。更甚者。大柴胡合大承氣湯下之。雙除表裏之熱。服雙解散之後。若不解。病已傳變。後三日在裏。法當下之。殊不知下之太早。則表熱乘虛而入裏。遂成結胸。虛痞懊憹發黃之証。輕者必危。危者必死。但宜平和之藥。宣散其表。和解其裏。病勢或有汗而愈。或無汗氣和而愈。用小茈胡涼膈

天水合和主之。病在半表半裏。用小茈胡涼膈散合和而解之。或小茈胡合解毒湯。如服熱勢未退者。大柴胡合三乙承氣湯。表裏俱微。半表半裏。若裏微者。宜大柴胡合黃連解毒湯合服。諸小柴胡湯証後病不解。表裏熱勢更甚。而心下急。鬱微煩。或發熱汗出不解。心下痞鞭。嘔吐不利。或陽明病多汗。或少陰病下利清水。心下痛而口乾。或太陰病腹滿而痛。或無表裏証。但發熱七八日。雖脈浮而數。而脈在肌肉。實數而滑者。並宜大柴胡湯。病至七八日。裏熱已甚。表漸微。脈雖浮數。用三乙承氣湯合解毒下之。下証未

全不可下者。用白虎湯。或知母石膏湯。脉洪燥。裏有微熱。不可汗者。用黃連解毒湯。

汗後不解

凡是表証。法當汗之。依法汗之。其病又不解。汗後不解。其証前後別無異証者。通宜涼膈散調之。以退其熱。無使熱甚危極也。除此之外。遠勝小柴胡湯。兩感至此而已。汗後餘熱。用益元散。或小柴胡湯。宣武人參石膏湯。傷寒大發汗。汗出不解。反無汗。脉尚浮者。蒼朮白虎湯解之。傷寒用桂枝湯發後。半日許。復熱煩。脉浮者。再宜桂枝湯。汗後不解。下証未全者。白虎

湯汗後煩躁不得眠。微熱而渴。五苓散。汗後不解。中外有熱。口乾煩渴。柴胡飲子。解表之後。尚未愈者。解毒涼膈天水散。能調順陰陽。洗滌藏府。

下後不解

凡是裏証。法當下之。依法下之。其病又不解。或大下後。或再三下後。熱勢尚甚而不退。本氣虛損而不能實。擬更下之。恐下晚而立歟。不下之。則熱極而歟。寒涼諸藥。不能退其熱勢之甚者。或濕熱內餘。下利不止。熱不退者。或因大下後。濕熱利不止而熱不退。脈弱氣虛。不可更下者。或諸濕熱內餘。小便赤澀。大便

溇泄頻併少腹而急痛者。必欲作痢也。通宜黃連解毒湯以解之。傷寒下之大過。胃中無熱。飲水無力。白朮散。又有大下之後。其熱不退。再三下之。熱愈甚。若下之不止。其人脈微氣虛。氣弱不加。以法無可生之理。至此下之亦死。不下亦死。但用涼膈合解毒湯調之。陽熱退除。陰脈漸生。爲之妙法。下之前後。無問日數。餘熱不解。小柴胡湯。汗下後胃虛。大橘皮湯。汗下後胸膈滿悶。赤茯苓湯。

在上涌之

言病在膈者。當用瓜蒂散吐之。或表証罷。邪熱入裏。

結於胸中。煩滿而飢不能食。四肢微厥而脈乍急者。宜瓜蒂散吐之。傷寒頭疼久不愈。令人喪明。胸膈亦有宿痰故也。當先涌之。次以白虎湯加減。

在下泄之

言病畜熱下焦。則承氣抵當之類。泄之而可也。

合病

三陽合病。腹滿身重。難以轉側。口燥而垢。譫語遺尿。如候發汗。則譫語益甚。下之則便厥。額上汗出。後必發黃。白虎湯。

兩感

兩感。謂一日太陽少陰兩証俱見。二日陽明與太陰俱病。三日少陽與厥陰俱病。前六經之証是也。小柴胡湯。涼膈散。五苓散。天水散。通聖散。雙解散。大柴胡湯。可選用之。熱勢甚。欲可下者。三乙承氣湯。或解毒合承氣湯。

瘧病

瘧之爲病。發熱腹滿。口噤頭搖。瘈瘲不語。項強背直。腰身反強。或目痛。或目赤。或閉。或反目。或足溫。或妄行。其脉沉弦而遲。或帶緊者。無汗。剛瘧。自汗。柔瘧。通宜三承氣湯合解毒下之。